

Broj: 01/1 - 967 /2023
U Konjicu, 16.05. 2023. godine

Na osnovu člana 24. Statuta J.U. Doma zdravlja Konjic, Procedure o načinu izbora lica za zaključivanje ugovora o djelu, dopunskom radu i privremenim i povremenim poslovima broj 01/1- 145 / 2020 od 24.01.2020.godine i člana 5. Odluke Upravnog odbora broj 02-UO- 1- 628/2023 od 27.03.2023.godine, v.d. Direktor objavljuje:

JAVNI POZIV
za izbor lica za zaključivanje ugovora o djelu, dopunskom radu i privremenim i povremenim poslovima

I. Javni poziv:

Upućuje se javni poziv za angažovanje lica za 2023.godinu koji imaju kvalifikacije da izvrše djelo/posao koje je utvrdio Upravni odbor J.U. Doma zdravlja Konjic a za poslove za koje ustanove nema dovoljno kadra:

- Doktor medicine specijalista pedijatrije za obučavanje timova u području zdravstvene zaštite djece, obuke i sistematskih pregleda
- Doktor medicine specijalista radiologije za projekte ranog otkrivanja raka dojke /UZV i RTG dijagnostika
- Za provođenje pregleda: UZV kukića djece
- Doktori medicine opšte prakse za rad u ambulantom porodične medicine u smislu unapređenja funkcionisanja posebnih softwareskim programima, unos podatka, istraživanja i zdravstvene statistike i upoznavanje sa dijagnostičko-terapijskim protokolima
- Doktori medicine specijalisti oftalmologije i doktori drugih specijalnosti traženih u posebnim sistematskim i specifičnim pregledima za usluge koje se pružaju na tržištu izvan ugovora sa ZZO HNK
- Doktor medicine specijalista citolog za PAPA testove
- Doktor medicine specijalista internista (napomena: rad za ugovorenih 0,5 tima sa ZZO HNK u 2023.godini).

II. Procedura izbora zdravstvenih radnika doktora medicine: svako zainteresovano lice za angažman u J.U.Domu zdravlja Konjic u pogledu deficitarnih kadrova ljekara specijalista može dostaviti na mail: domzdravljakonjic@gmail.com svoj CV i skeniranu licencu nadležne komore za poslove svoje djelatnosti/specijalizacije, izjavu da nema ograničenja u smislu više zaključenih ugovora o dopunskom radu do 1/3 radnog vremena. J.U. Dom zdravlja Konjic će prije zaključivanja ugovora o djelu zatraži ostale podatke i dokaze. Interes se može iskazati za angažman do 31.12.2023.godine ili na adresu J.U. Dom zdravlja Konjic Bolnička do broja 13, Konjic ili direktno na protokol u Upravi.

III. U slučaju da po javnom pozivu ne bude zainteresovanih prijava direktor angažuje vanjske saradnike po preporuci drugih ustanova, drugih zdravstvenih radnika ili poziva lica koja su već ranije bila angažovana da zaključe ugovor a u skladu sa Procedurom načinu izbora lica za zaključivanje ugovora o djelu, dopunskom radu i privremenim i povremenim poslovima broj 01/1-145 /2020 od 24.01.2020.godine

- IV. Ugovor, osim ako se radi o ugovoru o dopunskom radu koji se zaključuje na osnovu Zakona o zdravstvenoj zaštiti, sadrži opis poslova koji se obavljaju, visina naknade, način obavljanja djela/posla. Naknadu određuje direktor i može pregovarati o visini naknade, načinu isplate i drugim pitanjima koja se unose u ugovor a određiva je prema visini osnovne plate za pojedina zanimanja proporcionalno vremenu koje se ulaže za izvršenje djela.
- V. Procedura za ostale ugovore o djelu i ugovore o privremenim i povremenim poslovima koji se tiču slijedećih djela / poslova:
- Izrada prijedloga projekata za sredstva kod posebnih programa grantova
 - Voditelji projekata za izradu, provođenje i evaluaciju projekata kod stranih donatora
 - Poslovi prevođenja prijedloga projekata koji se upućuju stranim donatorima
 - Poslovi posebnih programa provođenja obaveznih DDD postupaka
 - Poslovi provođenja kursa sanitarnog minimuma
 - Poslovi stručnog usavršavanja uključujući sve oblike iz Pravilnika o stručnom usavršavanju
 - Poslovi izrade predmjera radova, idejnih rješenja i investicijskih programa
 - Izrada tehničke specifikacije za posebne javne nabavke medicinskih sredstava i građevinskih radova sa projektima
 - Poslovi izrade autorskog djela software-skih programa
 - Poslovi održavanje web stranice i računarske opreme
 - Poslovi izrade djela i obavljanja zanatskih, zanatsko –stolarskih, zanatskih gisparskih i molerskih radova, građevinskih sitnih radova kao djela pojedinca ako je cijena rada veća od uloženog materijala i drugih sličnih poslova
 - Popravak vozila i stalnih sredstava ako se ne zahtijeva poseban atest ili verifikacija

Sva lica koja mogu obavljati poslove / djela navedena u ovom dijelu javnog poziva mogu iskazati svoj interes za angažman za obavljanje ovih poslova ukoliko se za istima ukaže potreba tokom 2023.godine, a interes iskazuju na način kako je određeno tačkom II. Javnog poziva.

- VI. Procedura zaključivanja ugovora:
Sve prijave/ akt kojim se iskazuje interes za angažman sa navodima o kojim poslovima se radi evidentira Služba pravnih, kadrovskih i opštih poslova. Služba vodi i evidenciju prethodnih realizovanih ugovora o djelu.
Direktor ima diskreciono pravo da odluči da li će se i sa kojim licem ugovor zaključiti pri tome razmatra slijedeće: kvalifikacije, prethodno iskustvo, procjenjuje da li se mogu poštivati rokovi izvršenja djela i druge okolnosti, a posebno potrebe da se pruži usluga pacijentima, potrebnih znanja i vještina, posebnog obrazovanja i specijalnosti koji su potrebni za obavljanje posla, prednost se može dati licima koji su ranije imali zaključen ugovor o djelu i/ili drugu vrstu ugovora i kvalitetno obavili ugovoreni posao na osnovu evidencija angažovanih lica, na osnovu preporuke ranijih naručilaca posla, ocjenjujući da li lice koje se angažuje ima položene posebne stručne ispite, iskustvo u izvršavanju sličnog djela, radno iskustvo i druge reference zavisno od posla odnosno djela koje se ugovara.

Ugovor o djelu se može zaključiti sa bilo kojim licem koje ispunjava uslove za izvršavanje djela a koji je rezident BiH, a izuzetno se može zaključiti ugovor o djelu sa licem koje nije državljanin BiH nije rezident u BiH u slučaju potrebe za posebnim stručnim ekspertizama ili predavanja stručnjaka radi obuke zdravstvenih radnika.

VII. Javni poziv ostaje otvoren do kraja 2023.godine.

U slučaju da je ustanova već zaključila ugovor sa licem koje se prethodno po redosljedu prijavilo o tome putem e – maila obavještava prijavljeno lice s napomenom da je prijava evidentirana i da će ustanova to lice obavijestiti u slučaju potrebe da i sa tim licem zaključi ugovor.

v.d. Direktor
Hajduk Džemal



Dostaviti:

- Oglasna ploča
- Web stranica J.U. Doma zdravlja Konjic
- Služba pravnih, kadrovskih i opštih poslova